



UDRUŽENJE
“AQUASAN
mreža u BiH“

Upravljanje ne-prihodovanom vodom u javnim komunalnim / vodovodnim preduzećima u Bosni i Hercegovini

Povećajte svoje tehničko znanje i razvijte stručne vještine kako bi smanjili ne-prihodovanu vodu u vašim vodovodnim sistemima i uspostavili procedure upravljanja troškovima!

*Prijavite se do **8. maja 2017. godine** putem e-mail adrese info@aquasanbih.ba*

PROGRAM JAČANJA KAPACITETA

Ovaj Program Dunavskog partnerstva za učenje (*Danube Learning Partnership*, D-LeaP) će pružiti tehničku podršku i razviti kapacitete za upravljanje ne-prihodovanom vodom u javnim vodovodnim / komunalnim preduzećima (JKP/JVP) u Bosni i Hercegovini (BiH). Program je namijenjen onim JKP/JVP koja žele povećati svoje kapacitete za smanjenje ne-prihodovane vode u vodovodnim sistemima, a samim tim i troškove proizvodnje i distribucije vode, unaprijediti operativno i finansijsko poslovanje, kao i stvoriti neophodne preduslove za apliciranje za finansijska sredstva kojim će realizirati projekte kapitalnih investicija.

VRIJEDNOST PROGRAMA JAČANJA KAPACITETA


- Dva zaposlenika svakog JKP/JVP koje učestvuje u ovom Programu će dobiti **obuku na najvišem nivou** o smanjenju ne-prihodovane vode u sistemima vodosnabdjevanja kroz 3 radionice, uključujući i primjere iz najboljih praksi.
- Svakom JKP/JVP će biti pružena **podrška stručnjaka / trenera** tokom procesa izrade procjene početnog stanja i vodnog bilansa, učinkovitog zoniranja, odnosno definiranja DMA zona, te izrade akcionog plana smanjenja ne-prihodovane vode.
- Na osnovu podrške stručnjaka / trenera i obuke koju pohađaju njegovi zaposlenici, svako JKP/JVP koje učestvuje u Programu će imati priliku izraditi procjenu početnog stanja ne-prihodovane vode i vodni bilans cjelokupnog sistema, definirati kratkoročne mjere i **izraditi akcioni plan za smanjenje ne-prihodovane vode**.

NAČIN IMPLEMENTACIJE PROGRAMA JAČANJA KAPACITETA

Ovaj Program jačanja kapaciteta će se realizirati u 2017. i 2018. godini u dva ciklusa u trajanju od 6 - 9 mjeseci:

- JKP/JVP koja učestvuju u ovom Programu će **imenovati tim od dva zaposlenika** koji će učestvovati u svim aktivnostima Programa jačanja kapaciteta. JKP/JVP će obavezati svoja dva zaposlenika na učešće u cijelom procesu implementacije ovog Programa u trajanju od 6 -9 mjeseci.
- Obuka će se fokusirati na **stručne aspekte smanjenja ne-prihodovane vode** u JKP/JVP, iskustva i najbolje prakse, te korisne alate kao što je EasyCalc i CalcuLEAKator.
- Učesnici Programa će iskoristiti znanje i vještine stečene tokom organiziranih radionica kao i stručne usluge trenera koje će im biti na raspolaganju tokom samostalnog rada koji će učesnici provoditi u periodu između radionica za (a) **utvrđivanje početnog stanja i vodnog bilansa** (b) **učinkovito zoniranje vodovodnog sistema** i (c) **izradu akcionih planova**.
- Timovi JKP/JVP će definirati kratkoročne i dugoročne mjere za smanjenje ne-prihodovane vode, **izraditi tehničke specifikacije** za nabavku potrebne **opreme za mjerenje protoka i pritiska, kao i opreme za otkrivanja kvarova**, te izraditi akcione planove za smanjenje ne-prihodovane vode uz stručnu podršku trenera.

D-LeaP: PROCES UČENJA KROZ PROGRAM JAČANJA KAPACITETA



TRENERI

Treneri su eksperti iz tematskog centra za ne-prihodovanu vodu koji je akreditovan od strane D-LeaP-a, a uspostavljen od strane Aquasan mreže u BiH. Treneri su certificirani od strane D-LeaP-a za provođenje obuka u oblasti unaprjeđenja upravljanja ne-prihodovanom vodom. Zadatak trenera je obučiti i pružiti podršku JKP/JVP u njihovim naporima da pomoću tehnoloških i upravljačkih promjena na sistemima vodosnabdjevanja ostvare značajne novčane uštede koje su rezultat smanjenja ne-prihodovane vode.

KO MOŽE UČESTVOVATI?

Sva JKP/JVP sa područja BiH se pozivaju da prijave svoje učešće putem obrasca za prijavu, koji uključuje i odgovarajuću izjavu uprave JKP/JVP. U slučaju prijave većeg broja JKP/JVP, isti će se rangirati prema prioritetu na osnovu njihovog tehničkog potencijala i spremnosti da učestvuju u ovoj inicijativi.

TROŠKOVI UČEŠĆA

Od JKP/JVP koja su zainteresirana za učešće u ovom Programu jačanja kapaciteta se očekuje uplata kotizacije u očekivanom iznosu od 3.000 KM (1.500 eura) za jedan godišnji ciklus obuke. Kotizacija, uz značajnu podršku D-LeaP-a, uključuje učešće u svim aktivnostima Programa jačanja kapaciteta, smještaj za učesnike, obuku (teoretsku i praktičnu obuku), obuku za korištenje mjerne opreme i opreme za otkrivanje kvarova, softverske aplikacije, uputstva, procedure, radne materijale i pomoć certificiranih stručnjaka za smanjenje ne-prihodovane vode.

KORISTI ZA JKP/JVP, NJIHOVE ZAPOSLENIKE I OSNIVAČE tj. JEDINICE LOKALNE SAMOUPRAVE

Programi jačanja kapaciteta koje nudi D-LeaP su namijenjeni prvenstveno JKP/JVP koja žele da primjenom pametnih politika i jačanjem ljudskih kapaciteta **unaprijede svoje poslovanje i učine vodne usluge održivim** za duži vremenski period. Očekuje se da će uprava JKP/JVP, kao i predstavnici njihovih osnivača tj. jedinica lokalne samouprave, prepoznati ovu zajedničku inicijativu D-LeaP-a i Aquasan mreže u BiH, te Udruženja "Vodovodi Republike Srpske" i Udruženja poslodavaca komunalne privrede FBiH, da se i na području BiH uspostavi **sistem cjeloživotnog učenja** za zaposlenike JKP/JVP. Pored toga, očekuje se da će uprava JKP/JVP prepoznati priliku da **poveća znanje i razvije vještine** svojih zaposlenih ili priliku da određeni broj zaposlenika **prekvalificira** kako bi stvorili neophodne preduslove za **efikasno upravljanje troškovima i kontinuiranu modernizaciju poslovanja** svojih JKP/JVP. Također, očekuje se da zaposlenici JKP/JVP u ovakvim programima obuka prepoznaju šansu za povećanje svojih kapaciteta i mogućnost **daljnjeg napredovanja u karijeri**. Očekuje se da i jedinice lokalne samouprave daju punu podršku svojim JKP/JVP za aktivno uključivanje u proces smanjenja ne-prihodovane vode.

DODATNE INFORMACIJE I PRIJAVA

JKP/JVP koja su zainteresirana za ovaj Program jačanja kapaciteta se trebaju prijaviti do **8. maja 2017. godine** putem obrasca za prijavu koji je priložen uz ovaj opis Programa jačanja kapaciteta ili se može preuzeti sa internetske stranice Aquasan mreže u BiH (www.aquasanbih.ba). Za dodatne informacije, molimo vas da kontaktirate osoblje Aquasan mreže u BiH putem e-mail adrese info@aquasanbih.ba ili **telefon +387 37 307 993, 224 038**.